

العتاب

نبت عشب العتاب ولي سنين والضلوع رمال
ضواني بارقه قلت ابشري بي ياهماليله
شمال ولا لبست من القلوب الي عرفت شمال
عدا قلب وعدت اصدف طريقة مثل هالليله
أخاف من الكلام الي بغيت اقصاه ماينقال
وابقصر فزعة قامت تطارد بالحشا خيله
عتاب يابس في وسط صدري ماقواه الحال
سقيته مزنة الصبر الطويل وعود بسيله
كذبنا والصبر مفتاح لأبواب الفرج لو طال
صدقنا والصبر قفل عجز راعيه عن شيله
سهرنا لين طلّت بالسما شمس بدون ظلال
وقفنا في تراب ناشف ماه ورجاجيله
ركضنا والزمن واقف مداه ولا عرف رجال
شحيح لو كسبنا دلتة يكسر فناجيله
تسابقنا وماغير القدم معنا وهو خيال
تقفتنا الليالي والصدى ماغير نوحى له
خراب ياديار ياكثير وسعك بضيق البال
رحلنا في دموع ماعرفنا قبل وشهيله
خراب ياديار ولا بقيتي غير بعض اطلال
سكنها سافي وارخى مغازيه وتعاليله
ابرمي ياضما قلبي رمال فيك ماتنشال
وابقطع كل غصن مات بك من قلة الحيله
كفاية وانت بقفاي الليالي واقف بقبالت
عد اللي رحل واللي بقى واللي نشف حيله
كفايه وانت تعدل وانت تسند كل نخل مال
كفايه كل مامرك حبيب ظل بك ميله
تعب يا عبرة لو قلت هانت والمطر همال
وانا ادري في رحيله في نواياه ومقابليه
خفاف يادموع بالعيون وبالقلوب ثقال
اخاف من البكى لامن صوت ليه قناديله
كذبت وكنت عارف كيف اغني واجرح الموال
صدوق من كذب في ضحكته والدمع يومي له
بعض عقل يزيد العاقل جنون وبعصه هبال
تعذرت العقل لازاد عدله زاد في ميله
على كثر الكلام اللي طوى بالقلوب حبال
كثير ارحم من الصمت وغيابي هذي الليله

فهد دوحان